



UNIVERSITÄTS-
BIBLIOTHEK
PADERBORN

Universitätsbibliothek Paderborn

Außlegung der Episteln vnd Euangelien: von Ostern bis auff das Aduent

Luther, Martin

Wittemberg, 1547

VD16 L 5614

Euangelium Luc. v. Von dem Fisschzug Petri.

urn:nbn:de:hbz:466:1-37032



F

begab sich / da sich das Volck zu Ihesu drang / zu hören das Wort Gottes / Vnd er stund am See Genezaret / vnd sahe zwey Schiff am See stehen / die Fischer aber waren ausgeretten / vnd wuschen ire netze / Trat er in der Schiff eins / welches Simonis war / vnd bat in / das ers ein wenig vom lande fürer. Vnd er satzte sich / vnd leret das Volck aus dem Schiff.

Vnd als er hatte auffgehört zu reden / sprach er zu Simon / Fare

auff die höhe / vnd werffet etwre netze aus / das jr einen zug thut. Vnd Simon antwortet / vnd sprach zu ihm / Meister / Wir haben die gantze nacht geerbeitet / vnd nichts gefangen / Aber auff dein wort wil ich das netze auswerffen. Vnd da sie das theten / beschlossen sie eine grosse menge Fische / vnd jr netz zureis. Vnd sie winketen iren gesellen / die in andern Schiff waren / das sie kemen vnd hülffen men ziehen / Vnd sie kamen / vnd fülleten beide Schiff voll / also / das sie suncken.

Da das Simon Petrus sahe / fiel er Ihesu zu den knien / vnd sprach / Herr / Gehe von mir hinaus / ich bin ein sündiger Mensch. Denn es war in ein schrecken antomen / vnd alle

Auslegung des Euangelij

alle die mit im waren/ ober diesem fischzug/ den sie miteinander gethan hatten. Des selbigen gleichen auch Jacobum vnd Johannem/ die Söhne Zebedei/ Simonis gefellen. Vnd Ihesus sprach zu Simon/ Fürchte dich nicht/ denn von nu an wirstu Menschen fahen. Vnd sie fürcten die Schiff zu lande/ vnd verliessen alles/ vnd folgten im nach.

Setzung vnd Erklärung des Glaubens.



Dies Euangelium helt vns für zwey stück/ das durch es vermanet zu glauben/ vnd den Glauben stercker/ Denn zum ersten zeiget es/ das die/ so an Christum glauben/ auch zeitlich vnd in leiblichen nöthen von im versorgt werden/ vnd genug haben. Darnach/ das er viel mehr in geistlichen nöthen inen helfen wil/ Damit er das in der that vns zeige/ so S. Paulus 1. Tim. 4. spricht/ Gottseligkeit ist zu allen dingen nützlich/ denn sie hat die verheißung/ beide/ dieses vnd des zukünftigen lebens/ Wie denn die Schrift der beider ley verheißungen allenthalben vol ist.

Leze des Glaubens der leiblichen hülfte.

Den Glauben zeitlicher vnd leiblicher hülfte besteriget er in dem/ das er S. Petro vnd seinen gefellen/ so einen grossen fischzug gibt/ nach dem sie die ganze nacht sich vergeblich gemühet/ nichts gefangen/ vnd nu nicht mehr können sich versehen noch hoffen etwas zu fahen.

Die erstlich nach Gottes Reich trachten/ versorget Christus auch leiblich.

Er helt aber hiemit diese ordnung vnd Regel/ so er selbs gegeben vnd gelehret hat Matth. 6. Trachtet am ersten nach dem Reich Gottes/ vnd nach seiner gerechtigkeit/ so wird euch das ander alles mit zugeworffen werden. Diesem Spruch gehet er hie nach/ vnd beweist des selbigen Exempel vnd erfahrung/ da in das Volck mit hauffen vberfellt/ erstlich sein Wort zu hören/ das er mus vom Land ins Schiff treten/ vnd inen predigen. Aber da er sie gelehret hat/ wil er sie auch weiter versorgen/ mit der leiblichen notdurfft/ weil sie not vnd mangel leiden.

Denn ob er wol nicht darumb komen ist/ noch darumb predigt/ das er wolle des bauches pflegen/ vnd in versorgen. Doch vergisset er des selbigen auch nicht/ wo man zuvor nach seinem Reich trachtet/ Darumb nimpt er sich hie der armen Fischer not an/ die da haben mit mühe vnd arbeit der ganzen nacht/ nichts gefangen/ aber weil sie im haben das Schiff lin geliehen/ vnd in lassen ausspredigen/ vnd zugehöret/ so schafft er inen auch/ on ir sorgen/ vnd ehe sie darumb bitten/ so einen reichen fischzug/ Dabey sie genug geleret sind/ vnd wol verstehen können/ das sie an im einen solchen Meister haben/ der für sie sorget/ vnd sie nicht lassen wil/ wo sie an seinem Wort hangen/ vnd seine Schüler bleiben.

Damit er auch seine Kirche oder Vöcklin der Glaubigen wil getröset haben/ das er sie wil versorgen/ das sie auff Erden dennoch etwo sollen narung vnd ster fänden/ da sie bleiben/ ob sie schon allenthalben versorget/ vnd irer ster vnd versorgung bey der Welt müssen vngewis sein/ Wie neben diesem vnd des gleichen Exempel viel schöner Spüchle sagen/ als Psal. 34. Die Reichen müssen darben vnd hungern/ aber die den HERRN fürchten/ haben keinen mangel. Vnd Psal. 33. Des HERRN augen sehen auff die/ so in fürchten/ die auff seine güte hoffen/ Das er ire Seele errette vom Tode/ vnd erneere sie in der tewrung. Item Proverb. 10. Der HERR leste die Seele des gerechten nicht hunger leiden etc.

Sonderlich zeiget er mit diesem Exempel/ wie es zugehet bey denen/ da er geben vnd helfen sol/ vnd die weise/ wie er pflegt zu geben vnd aus zu helfen/ Nemlich/ wo es also stehet/ wie mit diesen Fischern/ da man die ganze nacht geerbeitet/ vnd doch alle mühe vnd arbeit verlorren/ vnd kein menschlicher rat noch hülfte mehr zu hoffen ist/ Wie denn der Christenheit teglich widerferet/ durch mancherley erbsal/ elend vnd not.

Denn on solche ansechtung/ mühe vnd arbeit gehees nicht zu/ vnd mus da hin komen/ wenn Christus helfen sol/ das es an menschlichem rat/ trost vnd vermögen verzweuele sey/ Da kompt er mit se

Nicht d...
arbeit/ so
dem Go...
tes seg...
nacet d...
Wensch...

Gott bee...
Gott bes...
ta.

Gottes...
für/ wo...
Mensch...
rat vnd...
ste mehr...

mit seiner hülffe/ vnd beweiset sich also/ das er noch trost/ rat/ schutz vnd rettung hat vnd geben kan/ wo es vns altem halben feilet/ vnd alles/ was wir gethan/ gelidten/ vnd noch zu thun vermögen/ nichts vnd verloren heisse/ Ja/ das er auch mehr vñ reichlicher (in solchen mangel vnd vnkrefft) gibt vnd hülffet/ denn man inmer mit menschlichen krefft/ kunst vnd hülffe/ künde zu wegen bringen.

Widerumb zeiget er dennoch auch darneben/ das er nicht damit die arbeit vñ werck so vns befohlen/ verboten oder nachgelassen wil haben/ Sondern auch selbs heisset seine Jünger jr handwerck vben/ weil er spricht/ Jaret auff die höhe/ das jr einen fischzug thut etc. Vnd ist also sein beides beinander gesetzt vñ veruaret/ Das es vnser erbiten vnd thun nicht schafft/ Denn solt arbeit vnd mühe dazu geholffen haben/ so hette es hie die ganze nacht auch gethan/ vnd mehr geholffen/ da sie mehr gethan/ vnd gehoffet/ ehe etwas zu fahen (weil es stille vnd finster war/ denn sie isund thun/ da Christus sie heisset das netze einwerffen am liechten tage/ Vnd dennoch auff einen zug/ auff Christi Wort/ so vberflüssig empfahen.

Auff das iderman hieraus sehe vnd lerne/ das arbeiten vnd mühe erneeret nimmer keinen Menschen/ wie gros vnd vngeschwungen die sey/ Sondern Gottes segnen vnd gnade/ Vnd dabey bleibe/ das es heisse/ wie man auff deutsch sagt/ Goet hat beraten. Item/ Gott bescheret vber nacht/ Welche sprüche von alten fromen Leuten/ die solchs wol erfahren/ auff vns komen sind/ Wie noch tegliche erfahrung zeuget/ das im mancher leste blut sauer werden/ mit engstiger schwerer arbeit/ vnd doch das mit kammie sein brot erwirbet/ vnd nimmer aus schulden vnd not kompt/ Da es einem andern/ der da gemach thut/ vnd sich nicht vbertreibet/ reichlich zuselle vnd zusleuffet/ Das man mus sagen/ Es ligt an der arbeit nicht/ sondern an Gottes beraten.

Wie auch der 127. Psalm sagt/ Wem ers gönnet/ dem gibt ers schlaffend/ Als vult er sagen/ Es ist doch vergebens/ das jr darumb euch tag vñ nacht engstet vnd zuplaget/ mit sorg-

gen vnd mühe/ bis jr zu wegen bringet/ was in ein haus gehöret/ Welches wol viel ist/ aber es stehet doch gar nicht in ewern henden vnd arbeit/ vnd wird nichts darans/ wo Gott nicht selbs hausvater ist/ vnd gibt/ Das es heisse/ vber nacht bescheret/ wie das Korn/ vnd alle narung/ aus der erden/ ja alles/ was alle Menschen habē oder erwerben mögen/ mus von Gott gegeben sein.

Denn solches beweiset er auch an den Gottlosen vnd vnchristen/ Wie er so manchen bösen Menschen/ so keines Gottes nicht achten/ doch haus vnd hoff lesse voll werden/ ja für andern vberschurtet mit zeitlichen gütern/ nicht aus oder von irer mühe vnd arbeit/ sondern aus lauterem segnen/ Wie auch der 17. Psalm sagt/ von solchen/ De absconditis tuis repletus est ueter eorū. Errette mich von den Leuten dieser Wele (spricht er) welche jr teil haben in diesem leben/ welchen du den bauch füllst mit deinem schatz/ Das ist/ mit solchen gütern/ die da sind deine Götliche/ verborgene scherze/ davon niemand weis/ wo sie herkommen/ noch in seiner gewalt hat/ noch im selbs schaffen kan/ Sondern die allein von dir beschert vnd gegeben werden.

Womit wil nu Christus die Christen zum Glauben gereizt vnd gesterckt haben/ vnd gewehret dem leidigen vnglauben/ mit seiner frucht/ welche ist sonderlich der Geiz/ vnd engstige sorge für den Bauch/ vnd dis zeitliche leben/ Welche on das natürlich dem Menschen/ als ein angeborne plage/ anhanget/ die sich reget vnd würet im fleisch/ mit löstten des vnglaubens wider den Geist (wie S. Paulus Gal. 5. sagt) Da zu der Teufel den Glauben hindert/ mit seinen ansechtungen vnd eingeben des mistrawens vnd zweuelens an Gott/ Vnd auch die Welt mit hass/ neid vnd verfolgung der fromen/ den sie nach gut/ ehre/ leib vnd leben stehet/ vnd gar die füsse an sie wischen wil.

Dagegen (sage ich) sehen wir hie/ bei de/ die krafft vnd den nutz des Glaubens/ der sich an Christi Wort helet/ vnd darauffer weget/ wie hie S. Petrus thut/ vnd spricht/ Ob wir wol habē die ganze nacht geerbeitet/ vñ nichts gefangen/

Gott errettet alle Wele aus seines verborgene scherzen. Psal. 17.

Geiz vnd sorge des vnglaubens.

Krafft vnd nutz des Glaubens.

Auslegung des Euangelij

gen/ Aber doch auff dein Wort wil ich das netze auswerffen. Dieser Glaube ist/ der solchen fischzug thut/ damit er beide Schiffen fülle/ Denn on den selben hette er weder das netz ausgeworffen/ noch einen Fisch gezogen.

Schade vñ vnglück des vnglaubens vnd Geizes

Widerumb zeiget die Schrift allenthalben/ was für schaden thut der Geitz vnd sorge des vnglaubens/ Denn der selbe gewislich nichts kan von Gott erlangen/ das im nützlich oder tröstlich vnd selig ware/ vnd sich nur selbs Gottes Segen beraubt/ das er der leiblichen güter/ so er begeret/ nicht sat noch fro werden/ vnd kein gut noch friedlich gewisssen haben/ kan.

Daher auch Christus die sorge dieser narung heißet Dornen/ dafür das Wort Gottes nicht kan zu treiffen noch zu fruchten komen. Vnd S. Paulus solches auslegt (was diese Dorne sind) 1. Timoth. 6. vnd spricht/ Die da reich werden wollen/ die fallen in versuchung vnd stricke/ vnd viel törichter vnd schedlicher lüste/ welche versencken die Menschen ins verderben vnd verdammis/ Denn Geitz ist eine wurzel alles vbel/ welches hat etliche gelüster/ vnd sind vom Glauben ire gangen/ vnd machen jnen selbs viel schmerzen etc.

Geitz eine wurzel alles vbel. 1. Tim. 6.

Gehalte nu gegenander/ was der Glaube guts bringet vnd beschaffet/ vnd dagegen der vnglaube schaden ehuet/ Denn zu dem/ das der Glaube hat Gottes gnade vñ segē/ hat er auch die verheissung/ das er sol gnuß haben/ was im not ist/ vnd machet ein gut/ rüzig/ frölich hertz/ Das er wol mag heissen/ die wurzel alles guten. Widerumb das der vnglaube mit seinem sorgen vnd Geitz sol auch das zu lohn haben/ das er des selben nichts gebessert sey/ sondern fallen mus in mancherley stricke/ durch viel schedlicher lüste vnd begürde/ dadurch er nichts erlangt/ denn ewig verderben/ Das er auch ist nichts anders/ denn eine wurzel/ da alles vnglück aus folget.

Friede vnd gut gewisssen der Glaubigen.

Diese beide stück sibet man zwar auch für augen wol in der Welt/ Das die jnen lassen gnügen an dem/ so jnen Gott bescheret/ die haben doch ruge vnd friede/ gehen dahin in jrem stand vnd friede/ frölich vnd guts muts/ haben democh

ir austromen vnd notdurfft/ das sie selbs sagen müssen/ Ich bin noch nie keinen abend hungerig schlaffen gegangen/ Ob sich gleich ansieht/ als müßten sie kummer vnd mangel leiden (wie hie S. Petro geschehen) Die habē diesen nutz dauon/ weil sie Gott trawen vnd glauben/ das sie nicht dürffen sich mit den Dornen (der bauchsorge) fressen vnd tragen/ noch darinne bestecken vnd verderben/ sondern als vnter den rosen im lustgaren sitzen/ Wie auch Salomon Proverb. 17. sagt/ Ein guter mut ist ein teglich wolleben.

Die andern aber/ die sich vnter diese Dorne des Geizes stecken/ vnd nach grossen gut trachten/ haben auch das dauon/ das sie darob gestochen vnd gekrazt werden/ vnd fallen müssen/ nicht allein in mancherley anfechtung vnd fahr/ welches were noch gnedig/ wenn es dabey bliebe/ Sondern komen auch in die stricke/ damit sie gefangen werden/ vnd also/ das sie darob/ beide in zeitlich vnd leiblich verderben vnd ewig verdammis versincken/ daraus sie nicht wider komen können.

Anfechtung vnd fahr des Geizes

Des sihe tegliche Exempel an/ der Leute/ die da auch sich wollen Christen vnd des Euangelij rühmen/ wie allenthalben ist ein rauben/ schinden/ schazgen/ wuchern etc. das sie auch vmb einnes ommechtigen Pfennings willen/ Gott vnd ir gewissen hindan setzen/ Vnd als were das nicht tieff gnuß gefallen/ daz sich stercken/ vnd fort fahren mit trog vnd freuel/ bis sie dahin versincken/ das sie auch Gottes Wort feind werden/ vnd nicht hören noch sehen können/ Dazu so vnseelig vnd verflucht/ das sie zu keinem stande dienen/ noch etwas heilsams vnd guts oder nützes thun können/ des jemand möchte genießen oder gebessert sein/ ja nur schaden/ vnglück vnd jamer anrichten vnd führen vber Land vnd Leute.

Das kompt alles aus dem (spricht S. Paulus) wo man nur trachtet darnach/ wie man reich werde/ Denn solch geitzen vnd sorgen bringet es gewislich mit sich/ da man wil hoch fahren/ gros vnd gewaltig sein/ vnd der Geitz nur gerne alles wolt zu sich reissen/ sehet erstlich an/ Sy hette ich dis haus/ dis sen Acker/ dis Schloss/ dis Dorff etc. vnd wechsset

Stücke vñ verdammis des Geizes

Plage vñ schmerzen des Geizes

Schade Geizes gästlich begirne

Stücke von
damals
die läste
des Geyses

vnd wechslet inmer fort vnd fort/ vnd wird daraus ein Drachenschwanz/ der alles nach sich zeucht. Vnd wo ein mal der Geiz einwurzelt/ bringet er teglich hundertley sorge/ mehr guts vnd gelt zu erlangen/ Da würet vnd waltet des Menschen hertz/ mit vnzeligen vnversettigen lüsten vnd begirde/ die doch nirgend zu dienen/ denn zu seinem eignen verderben/ Vnd sind nur fruchte des/ das der Mensch ist gefallen vom Glauben/ von einer versuchung vnd strick in den andern. Denn es ist solche schädliche plage/ die den Menschen so gar besitzet/ das er dafür in seinem Ampt oder stand nichts guts oder nützlichs thun kan/ vnd nimer mehr den eifer/ weder Gott noch den Leuten zu dienen.

Plage vnd
schmerzen
des Geyses

Darnach/ wenn er nu viel zusamen gescharrt hat/ hat er nicht weniger plage vnd sorge/ wie ers erhalte vnd verteidige/ Da mus er trachten/ wie er kriege gunst/ freundschaft/ vnd allerley wege suchen/ das er nicht vmb das seine kome/ Felt darüber in hafs/ neid/ vnd mancherley beschwerung/ daraus er nicht komen kan/ Vnd ist da nichts/ weder etel vnruhe vnd schmerzen (wie S. Paulus sagt) des gewissens/ vnd ein lauter Zelle/ darein er sich selbs gefürt hat. Das zeucht alles mit sich das leidig vnglück/ Juncker Geiz/ der da on Glauben zu Gott/ nur dencket durch sich selbs reich zu werden/ Denn es ist schon die plage vnd fluch vber in gesprochen/ das er nimer kan genug haben/ vnd mus all vnglück vnd hertzleid dazu haben/ in dem/ das er ergetzet hat/ zu seinem ewigen verderben vnd verdammis.

Schade des
Ganes in
geistlichen
Argument.

Man sibe an teglicher erfahrung/ was fur ein schendlich/ verfluchte laster der Geiz ist/ vnd was er fur schaden thut/ sonderlich in hohen Emptern vnd stenden/ geistlich vnd weltlich. Denn wo einem Pfarber oder Prediger der Geiz Teufel sein hertz besitzet/ das er nur darnach trachtet/ wie er auch (wie die ander Wele) möge gros gut für sich bringen/ Der ist schon dem Teufel in seinen rachen geworffen/ wie Ju das der Verhete/ das er Christum mit seinem Wort vnd seiner Kirche auch dürffte vmb eines güldes willen verhalten.

Wie der Papst/ seine herrschafft vnd reichthumb zu erhalten vnd zu sichern/ vnter Gottes vnd der Kirchen namen/ allerley abgötterey vnd öffentliche greuel mit gewalt eingefüret/ vnd zusehens die Seelen mit hauffen zum Teufel gefüret/ dazu die Leute mit falschem schrecken seines Bannes also eingetrieben/ das niem and hat dürffen ein wort dawider reden.

Durch des
Papsts
geiz die
Kirchen zu
grund ver-
wüster.

Wie schendlich ist es in weltlichem Regiment/ so Herrn vnd Fürsten auch mit dem schendlichen laster betreten werden/ vnd trachten alles allein zu sich zu reissen/ vergessen darüber jres fürstlichen Amptes/ wie sie solten Landen vnd Leuten helfen/ darumb sie Herrn sind/ das sie möchten mit ehren vnd lob aller Leute gerühmet vnd geliebet werden/ als Vetter jrer Lande vnd Leute/ Achten nicht/ wie Gottes Wort gefoddert/ die Kirchen vnd Schulen versehen vnd versorgt/ vnd die Leute recht geleitet werden/ oder wie bey den Unterthanen zucht vnd Recht gehalten/ lassen arme Pfarherr mit jren Kindlin/ Widwen/ Waisen/ vnrecht/ gewalt vnd not leiden/ Gehen dieweil mit jren Registern vmb/ vnd nur trachten/ woher sie gelt mögen ergeizen/ das sie jre vbermessig vnd vnnütze vntkosten vnd pracht mögen erstrecken.

Was der
Geiz für
schaden
thut in welt-
lichen Regi-
ment.

Vnd weil dazu nichts genug ist/ die armen Unterthanen/ bis auff den grat ausschinden vnd schätzen/ bis sie sich selbs in solchen vnrat vñ beschwerung gefürt haben/ das sie darob mit Landen vnd Leuten verarmen vnd verderben müssen/ Oder wo sie schon viel ergeizet/ vnd meinen wol gereichert zu haben/ darnach/ damit sie jr furhaben hin aus füren/ in mancherley seltsame handel vnd sachen sich stecken vnd flechten/ darob sie doch zu letzt zur straffe/ in beschwerung vnd verderben komen.

Fluch vnd
straffe des
leidigen
Wuchers
vber
Deutsch-
land.

Was fur grewliche plage vnd verderbe füret jzt vber Deutschland allein der schendliche/ verfluchte Wucher/ der allenthalbe so vberhand genomen/ das hie kein wehren noch steuren ist/ weil auch die/ so es wehren solten/ selbs dar in stecken/ Da nur jerman/ wer da kan/ mit seinem gelt die andern aussauget/ vnd darüber Gott vnd gewissens gar hindan setzen. Vnd also wissentlich

n lich

Auslegung des Euangelij

lich mit bösem selbverdampten gewis-
sen zur Zelle remmen/ vnd den Fluch auff
sich laden/ der schon vber den leidigen
Geiz gesprochen ist/ das sie doch jres
erwucherten guts nicht mit friede vnd
ruge genießen sollen/ sondern entweder
selbs durch Gottes straffe darumb kom-
men/ oder jren Erbē nicht reichen mus.

Denn es mus doch des halben vber
solch vnchristlich wesen Gottes zorn
vnd greuliche straffe gehen/ Wie wir lei-
der lengst all zu hoch verdienet/ vnd
Gott vns schon für die thür schicket/
mit dem Türcken vnd andern schreck-
lichen plagen/ damit er selbs dem vn-
christlichen wesen mit gewalt stewe/
weil wir sein Wort vnd vermanung
nicht hören wollen.

*Stoße reich-
tumb vñ se-
ligkeit eines
glaubigen
herzen.*

Diesem allen kan ein glaubig hertz
entlauffen vnd entfliehen/ so mit gutem
gewissen vnd Gottes fürchte in seinem
stande lebt/ vnd im gnügen leste/ an
dem/ so im Gott bescheret/ in ruge vnd
friede/ Gibt sich nicht in fahr der vers-
suchung vnd stricke/ darff sich selbs
nicht zu plagen mit sorgen vnd angst/
noch mit andern Leuten beissen vnd
fragen/ durch zancck/ haddereid vnd
hafs/ Vnd ist ein feiner/ seliger/ nützer
Mensch/ der da vielen dienen vnd hels-
sen kan/ vnd bey Gott vnd den Leuten
gnade vnd segen hat/ des auch seine
Kinds Kinder guts vnd ehre haben.

*Gott ver-
beut vnser
sorgen/ vnd
fordert doch
die arbeit.*

solches solt vns dis Exempel des
Euangelij leren vnd vermanen/ das
wir lerneten glauben/ vnd damit auch
in erfahrung solches Glaubens komen
möchten/ das Gott seine Christen ver-
sorge/ vnd gibt jnen gnug/ das sie nicht
dürffen mit jrer sorge vnd geizen sich
selbs zu plagen noch verdammen. Doch
sol man (wie ich im anfang gesagt hab)
hieneben auch wissen/ wo die sorge vnd
Geiz verboten wird/ das man nicht
darumb sol die arbeit anstehen lassen/
Wie die Welt hie beides wil umbkeren/
als sie alle Gottes Wort vnd ordnung
pfllegt zu verkeren.

Sorgen vnd trachten wil sie/ woher
sie gele vnd gut zu wegen bringe/ wels-
che sorge allein Gott gebüret vnd er im
fürbehalten hat/ Aber für die arbeit/
die jr befolhen ist/ wil sie Gott sorgen la-
ssen/ Ja nur jr sorge vnd geizen dahin
zu richten trachtet/ damit sie der arbeit
vnd schweis jres angesichts entladen

sey/ So wil Gott das widerspiel ha-
ben/ das wir die arbeit behalten/ vnd
die sorge im lassen/ So hetten wir das
vnser gethan/ vnd künden mit der für-
ge dazu komen/ das wir on vnser sor-
ge gnug hetten/ bey messiger vnd treg-
licher arbeit.

Denn Christus/ da er S. Petro vnd
den andern wil geben/ thut ers nicht/
wie er wol hette können thun/ das on
jre arbeit vnd netz die Fisch ins Schiff
müssen springen/ Sondern er heisset sie
auff die hohe faren/ vnd die netze aus-
werffen/ Das ist/ jr handwerck angreis-
ffen/ das sie können vñ gelernet haben/
vnd pflegen zu thun/ vñ sich stellen als
Fischer/ Denn er wil der faulen/ vnres-
wen/ müßiggenger nicht/ die nichts
thun/ was jnen befolhen ist/ vnd lassen
hend vnd füsse gehen. Leret also beider
ley/ das er nicht on vnser arbeit geben
wil/ Vñ doch vns zeige/ das es nicht vn-
ser arbeit schuld ist/ was wir erlangen/
sondern allein Gottes berat vñ segen.
Die arbeit solten thun/ aber nicht dich
darauff verlassen/ was du ansichtest/
als hettest du es selbs zu wegen bracht.

Summa/ vnser arbeit vnd thun schä-
ffet noch gibt nichts/ vnd ist doch dazu
not/ das wir dadurch das/ so er vns
gibt/ empfangen/ Denn die Jünger mus-
sen dennoch die hende dazu thun/ das
netz auswerffen vnd ziehen/ wo sie wol-
len etwas fahen/ vnd sich stellen/ als die
es wolten thun/ Aber doch bekennen/
vnd sagen/ das es nicht jr arbeit gethan
hat (sonst hetten sie es wol zuvor on
Christum gethan) Darumb leste er sie
auch solchs wol versuchen vnd erfaren/
das sie die ganze nacht vergeblich vnd
vmb sonst arbeiten müssen.

Jhesus leret er vns noch/ durch treg-
liche erfahrung/ in allerley sachen/
thun vñ Regimēt auff Erden/ Da leste
er vns wol ofte lang vnd viel arbeiten/
das es vns sawr wird/ vnd doch damit
nichts austrichten/ Das wir auch müs-
sen sagen vnd klagen mit S. Petro/ Wir
haben die ganze nacht gearbeitet/ vnd
nichts gefangē/ Auff das wir nicht auff
vnser arbeit vns verlassen vñ vermessē/
Sondern wissen/ das er mus dazu gebē/
das es heisse/ Beraten vnd bescheret/
vnd nicht durch vnser mühe/ kunst oder
vleis gemacht noch erworben.

Wie

*Gott
nicht
er
ein
vnd
die
nicht
die
die
willen
ge
ben.*

*Velone
e
bet
vñ
m
beim
welch
lichen
Reg
ment.*

*Gott
gr
das
glück
wo
man
sich
auff
gme
wert
beit
verl.*

*Teilige
er
fahung
das
Gottes
for
gen
alles
gibt
vñ
sagt
ist.*

Wie grossen vleis / Kost vnd mühe hat offte Vater vnd Mutter auff einen Son gelegt / in zu erziehen zu ehren vnd tugent etc. mit grosser hoffnung vnd zunerficht / als solt er (wie man sagt) ein Engel werden / Vnd doch zu seihens ein vngeraten verlorren kind draus wird. Widerumb / manch arm elender Waise / daran wenig arbeit vnd vleis gewand / kompt auff / vnd wird erzogen / das mans sichs wundern mus / vnd sagen / Es lige nicht an vnserm vleis vnd sorgen / sondern am geraten.

Was ist des gantzen weltlichen Regiments gemeiner klage / denn vber vergebliche arbeit vnd mühe / auch wo es im schwang vnd mit ernst gehet / da die Leute sind / die da wollen vnd können wol regieren / vnd nicht mangelt an weisheit / verstand / macht vnd gewalt / vnd doch müssen lernen / wenn sie lang haben regieret / das sie doch nichts damit ausgerichte haben / Ja / wie offte geschichtes / das die besten anschlege / weisesten rath / vnd schönsten gedanken auff alle vbelst geraten / zu schaden vnd verderben (wie allezeit die aller weisesten Regenten solchs erfahren vnd beklage haben) Auff das man ja greiffen vnd lernen solle / das Gott nicht wil durch menschlicher weisheit anschlege vnd praktiken / glück vnd gedeien gehö / wo man sich wil darauff verlassen.

Darumb were der beste rat / wenn jr die Welt wolt einen albern / einfeltigen Man raten lassen / das ist / vnsern Herrn Gott (der dennoch auch etwas erfahren hat / vnd sich auff Regiment verstehet) Das ein jeder in seinem Ampt vnd Regiment seine gedanken vnd anschlege schlechtes dahin richtete / das er treulich dem nachgieng / vnd ehete im Glauben / was im befolhen ist / Vnd nur auff seine eigen anschlege / vnd gedanken nichts setzet / sondern die sorge Goctre lieffe befolhen sein / Der würde zu lezt wol erfaren / wer da mehr anrichtet vnd schafft / der Gott vererawet / oder der / so durch seine eigen weisheit vnd gedanken / oder macht vñ krafft / seine sache wil hinaus führen.

Im geistlichen Regiment der Kirchen gehets auch also (wie es auch sonderlich in dieser Historien gebildet ist) Da ich zehen / zwenzig jar gepredigt vnd gelehret habe / da sol wol ein an

der in einem jar mehr geschaffet haben / oder etwo eine Predigt mehr frucht schaffen / denn viel andere / Das es da auch nicht thut die arbeit / vleis vnd mühe / Sondern es müssen die zwey beinander sein / das ein jeder das seine thut / Vnd doch mit S. Petro sage / Meine arbeit thutes vnd schafftets nicht / wo du nicht das gedeien dazu gibst. Wie auch S. Paulus spricht / 1. Corinth. 4. Ich habe gepflanzt / Apollo hat begossen / Aber Gott hat das gedeien gegeben. Jesu / Der da pflanzt / ist nichts / der da begossst ist auch nichts (das ist / er schafft mit seiner arbeit vñ mühe nichts) sondern Gott / der das gedeien gibt etc.

Vnd summa / Es ist das ganze menschliche wesen vnd leben also gethan / das man offte viel vnd lang mus vmb sonst geerbetet haben / bis so lang Gott dazu das gedeien gibt / Vnd sol doch die arbeit nicht darumb nachbleiben / noch der Mensch on arbeit erfunden werden / Aber von Gott das gedeien warten / wenn ers geben wil / Wie der Prediger Salomonis Prouerb. 11. sagt / Frühe set deinen samen / vnd laß deine hand des abends nicht abe / Denn du weisest nicht / ob dis oder das geraten wird etc.

Es ist aber hie auch sonderlich angezeigt die vnterscheid / wenn vnd wo die arbeit nütze vñ fruchtbar ist / nemlich / so Christus das zu kompt / vnd heisset das netz auerwerffen etc. Das ist / wo der Glaube ist / der sein Wort vnd verheissung fasset / vnd darauff frisch vnd getrost thut was im befolhen ist / vnd durch anrufen vñ gebet seiner hülffe vnd segens gewartet.

Das heisset denn mit S. Petro sagen / Herr / ich hab zwar viel gethan / geerbetet / gelidden / aber ich weis / das ich damit nichts schaffe / denn wo du selbst dabey bist / krafft vnd gedeien gibst / Darumb wil ich nicht auff mich oder mein thun / sondern auff dein Wort forefaren / vñ dir lassen die sachen befolhen sein. Also gehets denn von staten / vnd findet sich in der erfahrung / das / wo Christus dabey ist / gibt er mit geringer arbeit vnd mühe mehr / denn jemand heete durffen hoffen / Denn wo er seinen setzen dazu spricht / da mus es nicht fallen noch on geringe frucht abgehen.

n 4 210

Gott gibt allein das gedeien zu dem Predig ampt.

Wird die Arbeit nicht durch die Arbeit selbst gemacht / sondern durch die Arbeit selbst gemacht.

Wo Christus dabey ist / da ist die Arbeit fruchtbar.

Also sehen vnd erfahren alhie die Jün-
ger selbs was für vnterscheid ist/der er-
beit/ die sie zuvor on den Glauben Chri-
sti/ die ganze nacht gethan/ Vnd dies
ser/ da nu kein hoffnung war/ etwas zu
fahen/ vnd doch jet im Glauben/ auff
Christi Wort/ mit einem zug vberflüss
sig inen zuset. Darumb darff mans nie
mand schuld geben/ wo wir mit vnser
erbeit vnd mühe nisches oder wenig ans
richten/ denn vnserm vnglauben/ oder
je der schwachet vnseres Glaubes. Doch
ist das auch war/ das Christus offte mit
seiner hülffe vnd gabe verzeucht/ wie er
hie vnd anderswo/ Joh. 20. die Jünger
leste die ganze nacht arbeiten/ vñ nichts
fahē/ Das es scheint/ als wolle er auch
seines Worts vñ verheissung vergessen.

Stücht der
eben / im
Glauben
Christi ge-
than.

Christus
verzeucht
die hülffe/
den Glau-
ben zu ster-
cken.

Aber das thue er auch darumb/ das
er vns treibe/ nach seiner hülffe deste ster-
cker zu ruffen/ vñ der Glaube lerne sich
stercken vnd fest halten/ das er darumb
nicht zweuele oder ablasse zu arbeiten/
sondern inner fortfare/ vñ warte/ wenn
vnd welcher weise er geben wil/ Denn
er wil die Christen allenthalben also res-
gieren/ das sie lernen vnd erfahren müs-
sen/ das sie nicht erneeret werden/ noch
inen geholfen wird / von dem/ das sie
für augen sehen / oder gethan haben/
Sondern von dem/ das noch vnrichtig
bar vnd verborgen ist/ Darumb er es
auch heisset (wie droben gesagt / aus
dem 6 Psalm) seine verborgene Sche-
ze/ Das ist/ solcher segē/ hülffe vnd er-
lösung/ so wir nicht zuvor ersehen noch
ergriffen haben / sondern in seinem
Wort zugedeckt/ vnd durch den Glau-
ben gefasset wird.

Siehe/ das ist das erste stück dieses
Euangelij/ zur lere vnd trost der Chri-
sten geschehen vñ geschriebē/ Das Chri-
stus auch für leibliche not seiner Kir-
chen sorget/ das sie erneeret vnd erhal-
ten werde/ ob sie wol in die not kompt/
da sich alles stellet/ als wolt es zu grund
gehen/ vnd scheint/ als habe sie es alles
vergeblich gethan vnd gelidten/ Wie
es denn allenthalben vnd allzeit ge-
schicht/ wo das Euangelium angehet/
da bringet es sein armut mit sich/ vnd
wil hungert/ geblöset vnd gearmet
sein/ Aber dennoch zu letzt/ wenn der
Teufel ein wenig versauet/ vnd der
Welt Schlund vnd Fraß gebüffet/

Christus
der Herr
auch leib-
liche güter
zu erhal-
tung seiner
Kirchen.

Kompt Christus dazu/ vnd spricht/ Ich
bin dennoch auch ein Herr auff Erden/
Denn es stehet geschriben Psal. 24. Die
Erde ist des HERRN/ vnd was dar-
inne ist etc. Item Psal. 8. Alles hastu vn-
ter seine füsse gethan/ Schaf vnd Och-
sen allzumal / Dazu auch die Wilden
thiere/ die Vogel vnter dem Himmel/ vnd
Fische im wasser. Das mus dennoch die
sein/ Herrn auch gehorsam sein / vnd
auch mit in Christi Reich gehören/ das
in dennoch die Welt auch sampt den sei-
nen/ mus mit jr danon essen lassen.

Aber es mus zuvor gehen (wie ich ge-
sage habe) hunger vnd mangel/ Das ist
S. Petri lediger Kahn vnd netz/ wenn
sie lang geerbeitet haben. Doch gebe er
inen nach solchem versug best reichli-
cher/ nicht einen zuber voll/ Daran sie
inen wol gnügen ließen/ sondern das
gange netz vnd zwey ledige Schif voll.
Solches thue auch Christus dazu/ das
dadurch auch der glaube der geistlichen
hülffe gestercke werde/ Wie er denn dar-
umb dis zeichen S. Petro vnd den an-
dern zeigte/ die er wil zum Apostelampe
beruffen/ nicht allein/ das sie glauben
sollen/ er wolle auch iren Bauch versor-
gen / Sondern/ das er auch zu irem
Ampt seine krafft vnd hülffe wolle erzei-
gen/ das es nicht sol vergeblich noch
one frucht sein.

Durch die
leibliche
wunder
der Chri-
stus auch
den Glau-
ben ge-
stärket

II.

Als ander stück dieses Euan-
gelij/ ist die hohe lere/ von geist-
licher not vnd kampff des ge-
wissens/ vnd was in demselben der rech-
te trost sey/ Denn nu S. Petrusdis wur-
derwerck Christi sihet/ vnd so reichlich
versorget ist/ fehet er erst an zu denken/
was dieser für ein Man sein müsse/ vnd
dagege zu halten/ was er ist. Da kompt
er erste in grösser not/ aus diesem reichen
segē / denn er zuvor nie gewesen in sei-
nem leiblichen mangel/ vnd wird nu
recht arm vnd blos/ das er für schrecken
schier zu boden sincket/ vnd heisse Chri-
stum von jm gehen. Denn er fehet an
zu sülen seine vnwürdigkeit vnd sünde/
vnd mus sich selbs bekennen vnd kla-
gen einen armen Sünder.

Sie sol er nu selbs ein ander Man
werden/ vnd an jui grösser wunder ges-
chehen/ weder an dem fischzug/ Vnd be-
gimmet

Stücken
bagen er
armen ge-
wissen.

Schrecken
S. Petrus
Christus
vber sein
vnwürdig-
keit.

Günnet nu erst die Predigt Christi (so er zuuor aus dem Schiff gethan) in im zu wirken / Denn zuuor hat er wol Christo zugehöret / wie die andern / Aber noch keine gedanken darauff ge habt / was er für eine Person were / noch etwas / weder zeitlich noch ewig gut / gedacht von im zu erlangen. Erschricket auch noch nicht für seinen sünden.

Aber nu / so er gewar wird des wunders vnd segens / vnd durch das gegenwertige werck erferet / was dieser Jesus für ein Man ist / felt er in die größe / beide / des guts vnd der person / vnd seiner unwürdigkeit / vnd erschricket seiner sünde halben / Denn sein hertz sagt im / das er solche größe wolthat nicht verdienet / sondern viel mehr zorn vnd vngnad bey Gott verdienet habe / Vnd wird im angst vnd bange / nicht von wegen leiblicher armut / wie er erneeret werde / Denn dawider ist im nu geholfen / Sondern wie er für Gott vnd diesem Man bleiben möge / der im / unwürdigen sündigen Menschen / so große wolthat erzeigt.

Das ist der anfang vnd die weise das zu / da er wil S. Petrum geistlich reich machen / an ewigen gütern / das er auch andern / ja der ganzen Welt könne mit teilen. Da gehets im eben / wie zuuor / das er erstlich mus in geistlichen hungere vnd not komen / das ist / in schrecken vnd angst des gewissen / ehe er vergebung der sünden vnd trost erlanget / Das im beide / das Schiff vnd die Welt zu enge wird / vnd nicht weis / wo er bleiben sol für Christo / den er im doch nicht schrecklich / sondern freundlich vnd hülflich hat erfunden.

Bld hie sibestu / was da ist ein armen elend gewissen / das seine sünde begünnet recht zu fülen / wie es zappelt / leufft vnd fleucht für Gott / so er im nahe kompt / das es wol durch hundert welt ließe / Wie sich auch Adam im Paradies meinet zu verbergen / Da Gott doch freundlich zu im spricht / Adam / wo bistu ? Denn solch hertz vnd gewissen ist zu blöde vnd schüchtern / das es auch wol allein vnd bey sich selbs all zu seer erschricket / vnd fleucht auch für einem rauschenden blat / als für dem Donner vnd blitz / Denn es kan das vrtail des Gesetzes / welchs im seine sünde vnd

Gottes ewigen zorn zeigt / nicht ertragen / Vnd hilfft hie nichts / den Menschen zu trösten / das man im fürhelt / was im Gott für wolthat zuuor er zeigt vnd gethan / Sondern erschricket im viel höher / weil er sihet / das er durch sein vndanckbarkeit vnd sünde nur grössern zorn verdienet hat.

Ja / es haben wol mit dieser ansetzung vnd schrecken auch iherdar zu kempffen / die / so da schon den trost der gnade Christi empfangen haben durch den Glauben / Denn die güte vnd gnade ist zu gros vnd vberschwenglich / Vnd widerumb / vnser hertz viel zu enge vnd zu schwach dazu / das es in dem fülen vnd ansehen seiner unwürdigkeit solche größe güte vnd barmherzigkeit solt fassen vnd begreifen können / Sondern viel mehr sich dafür einsetzet / Darumb thut vns Gott auch die gnade / das er solches verhüllet vnd zudecket im einfeltigen Wort / vnd vnter grosser schwachheit.

Aber das ist die leidige art vnser Natur / das / wo auch Christus mit seiner gnade vnd trost zu jr kompt / da scheucht vnd fleucht sie für irem heiland / dem sie doch billich solt nachlauffen / blös vnd barfuß / bis ans ende der Welt / Windet vnd ringet sich / suchet eigen werck / vnd wolt gern zuuor reit vnd würdig gnug sein / vnd durch sich selbs einen gnedigen Gott vnd Christum verdienen / Wie S. Petrus meinet / damit friede zu suchen vnd der sünde zu entlauffen / das er von Christo leuffet / vnd zuuor wil etwas bey im selbs finden / damit er sein werd werde / das er zu im come / Vnd sellet doch damit nur je tieffer in schrecken vnd zagen / bis in Christus wider mit seinem Wort heraus reisset.

Aber das geschichte alles / vnd mus wol also geschehen / wo allein des Gesetzes lere vnd verstand ist / vnd noch nicht Christus durch das Euangelium recht oder volliglich erkand wird / Denn des Gesetzes erkentnis ist auch natürlich / in aller Menschen hertz geschriben vnd gepflanzt / wie S. Paulus Rom. 2. sagt / das vns leret / was wir thun sollen / vnd schuldige vnsern vnghehorsam. Vnd solchs auff mancherley weise thut / nicht allein mit schrecklichen

iiij chent

Größe der
gnade Gottes / menschlichen hertzen unbegreiflich.

Sonst
1402

Auslegung des Euangeli

Erkenntnis
der sünde
bringer
schrecken/
auch aus de
wollhaten
Gottes.

chem zeichen vnd fülen der straffe vnd Gottes zorns/ Sondern auch aus aller ley gaben vnd wercken Gottes/ die der Mensch sihet vnd höret/ welche im seine sünde vnd Gottes zorn anzeigen/ das er der selben misbrauchet in Gottes verachtung vnd ungehorsam/ Denn er mus selbs daraus schliessen/ das die/ so Gotte für seine gaben vnd güter vnd danckbar sind/ seines zorns vnd der verdammis werd sind.

Gottes wol
that sind et
tel verma
nung zu
Bussse.

Also sind alle Gottes wollhaten/ eitel solche lebendige Predigten (wo sie ein hertz treffen) der Bussse/ die den Menschen zu erkenntnis seiner sünde führen / vnd also in schrecken werffen / Wie auch S. Paulus abermal Rom. 2. den vnbusfertigen / verstockten heuchlern sagt/ Verachtestu den reichthumb Götlicher güte/ gedult vnd langmütigkeit? Weissestu nicht/ das dich Gottes güte zur Bussse leitet?

Der Antino
mer n. r.
richt fuge
ben.

Drumb ist nichts/ das vnser Antinomer aus diesem Exempel oder der gleichen geuckelt/ man solle nicht durch das Gesetz / sondern durch das Euangelium (oder wie sie es nennen/ Per violationem Filij) die Bussse predigen vnd treiben/ Vnd verkeren die zwey stück/ Revelationem Gratie/ vnd Revelationem Ire/ Als solt man zimor von der Gnade predigen vnd trösten/ darnach erst mit dem zorn schrecken/ Das ist lauter blind vnd nerrichte furgeben solcher Leute/ die nicht verstehen/ weder was zorn noch Gnade/ Bussse oder trost der gewissen sey.

Offenbar
tung Got
tes zorns ist
allein des
Gesetzes
Predigt.

Es ist alles des Gesetzes Predigt/ was da von vnsern sünden vnd Gottes zorn predigt/ es geschehe / wie oder wenn es wolle. Widerumb ist das Euangelium solche Predigte / die nichts anders / denn Gnade vnd vergebung in Christo zeigt vnd g. br. Wiewoles war vnd rechte ist / das die Apostel vnd Prediger des Euangeli (wie auch Christus selbs gethan hat) die Predigte des Gesetzes bestetigen/ vnd an der selbigen ansahen bey denen/ die noch nicht ire sünde erkennen/ noch für Gottes zorn erschrocken sind / Wie er Joh. 16. sagt/ Der heilige Geist wird die Welt straffen/ vmb die Sünde zc. Ja/ was ist für ein ernstlicher schrecklicher anzeigung vnd Predigt Gottes zorns vber die

Sünde / denn das leiden vnd sterben Christi seines Sons?

Aber so lange dis alles Gottes zorn predigt/ vnd den Menschen schreckt/ so ist es noch nicht des Euangeli noch Christi eigene Predigt/ sondern Moses vnd des Gesetzes/ vber die vnbusfertigen/ Denn das Euangelium vnd Christus ist je nicht geordnet noch gegeben zu schrecken noch zu verdammis/ sondern die/ so erschrocken vnd blöde sind/ zu trösten vnd auff zu richten. Vnd solget doch das daraus / das der Mensch/ wo das leiden Christi rechte in sein hertz feller/ wol von jm selbs mus darin sehen/ vnd fülen den vntreglichen zorn Gottes vber die Sünde/ vnd dauon erschreckt werden/ das jm die Welt zu enge wird / Wie auch S. Bernhard zensget/ das jm selbs geschehen sey/ da er das leiden Christi rechte angesehen/ vnd spricht/ Ah/ ich meinete/ ich were sicher/ vnd wüste nicht von dem vrtail vnd zorn/ der vber mich gegangen war/ bis das ich sahe/ das der einige Gottes Son für mich musse dahin tretten etc.

Denn es ist dis Bilde so schrecklich/ das auch die verdampfen in der Helle kein grösser pein vnd fülen Gottes zorns vnd verdammis werden haben/ denn von diesem ansehen des sterbens des Sons Gottes/ welches sie haben lassen an jnen verloren sein/ Wie auch Ju das der Verrhete / da er nicht wolt des H. Erri Christi freundliche vermanung vnd warnen hören noch beben/ was er an jm thete/ zu legt dens noch/ durch diesen blick in solch schrecken getrieben ward / das er selbs im das Gesetz vnd verdammis predigt/ da er sprach / Ich habe das vnschuldige blut verrharen etc.

Also predigt jm auch alhie S. Petrus selbs das Gesetz von seiner sünde vnd Gottes zorn / eben aus dieser grossen wolthat Christi/ Denn er kan auch nicht anders/ denn zorn vnd schrecken vmb seine vnwürdigkeit gegen Gott/ daraus nemen/ Denn er hat noch keinen andern verstand in seinem hertzen/ denn des Gesetzes/ welches zeigt/ das Gott den Sünden feind ist/ vnd sie straffen wil. Aber von der Gnade Christi weiss er noch nichts/ welche durchs Euangelium allen Sündern vmb sonst geschencke

Leiden
Christi den
schrecklich
Bilde ist
vnbusfertigen.

Rechte ord
nung Christi
licher Pred
igte/ erst
lich in sch
cken / dar
nach zu tr
ffen.

erschrock
nen geu
sen sol
kan G
predigte

Lu
Eja.

schreckt wird / Zette auch nicht Kön-
nen dazu komē / sondern heere in seinem
schrecken verzweueln müssen / wo nicht
Christus im ein andere Predigt thete /
damit er in tröset vnd auffrichtet /
Denn diese lere vnd verstand kan ein
Mensch nicht also von im selbs ergrei-
ffen on die offenbarung des H. Geistes /
durch das Wort des Euangelij.

Darumb ist der keines rechte / das die
vuerstendigen Geister surgeben / das
man nicht solle das Gesetz predigen im
neuen Testament / oder das man erst
durch das Euangelium solle die Leute
mit Gottes zorn schrecken / so man zu-
vor Gnade verkündigt hat / Denn das
Euangelium gewislich keinen zorn pre-
digt / noch in schrecken vnd angst füret /
Sondern kompt allein die gewissen zu
trösten.

Das ist aber die ordnung / so die
Schriftt allenthalben zeiget vnd helt /
das allzeit vor dem trost der Verge-
bung mus die Sünde erkand / vnd schre-
cken fur Gottes zorn empfunden wer-
den / durch die Predigt oder fülen des
Gesetzes / auff das der Mensch gerite-
ben werde nach der gnade zu seuffzen /
vnd geschickte werde / den trost des
Euangelij zu empfaben. Darumb sol
man die / so noch on alle fürcht Gottes
zorns sicher / hart vnd vngebrochen
sind / nur auffse sterckest mit dreyen vnd
schrecken desselben / zur Busse verma-
nen vnd treiben. Das ist / kein Luange-
lium / sondern lauter Gesetz / vnd Mo-
sen jnen predigen.

Widerumb / wo nu solche hertzen
sind / in welchen das Gesetz sein Ampt
gewircket / das sie durch erkentnis irer
sünde erschrocken / blöde vnd flüchtig
sind / denen sol man als denn kein Gesetz
mehr / sondern das lauter Euangelium
vnd trost predigen vnd sagen / Denn
das ist eigentlich das Ampt Christi / da
zu er komen ist / vnd das Euangelium
hat heissen predigen allen armen Sün-
dern / vnd befolhen dem selben zu gley-
ben / das er alle anlage / schrecken vnd
dreyen des Gesetzes auffhebe vnd weg-
neme / vnd dafür eitel trost gebe / Wie er
allenthalben im Euangelio zeiget / vnd
Esa. 61. aus dem Propheten Jesaja sagt / Der
Geist des HERRN ist bey mir / dar-
umb hat er mich Gesand / das Euange-

lium zu predigen / vnd zu trösten alle
traurige. Darumb hab ich offte gesaget /
das man sol Moses nicht regieren las-
sen in solchen gewissen / die in ansich-
tung vnd fürcht fur Gottes zorn sich
engsten / sondern Moses mit dem gan-
zen Gesetz schlecht von sich weisen / vnd
nicht hören wollen.

Aber hieneben ist das auch zu wis-
sen / das die lere des Gesetzes / auch
bey denen / so Christen sind / dennoch
nicht mus gar abgethan werden / Son-
dern / weil es vmb die Christen noch als
so gethan ist / das sie noch in fleisch vnd
blut leben / welches sich mit sündlichen
lüsten reget / vnd der halben in teglicher
Busse bleiben müssen / So bedürffen sie
noch hiezu solcher Predigt vnd verma-
nung / das sie nach empfangener verge-
bung der sünde nicht wider sicher wer-
den / noch dem fleisch wider den Geist
raum lassen / Gal. 5.

Also gehets hie auch zu mit S Petro /
Der hat jzt in diesem schrecken noch
gar keine offenbarung oder erkentnis
der Gnaden vnd vergebung der sünde /
sondern die offenbarung des zorns in
im wircket vnd treibt / das er auch fur
Christo fleucht / Welches er gewislich
nicht thete / wo er in rechte kenneete. Aber
es ist auch Christus jzt in dem werck
mit im / da er wil einen rechten Christen
aus im machen / vnd in erfaren lassen /
was rechter trost sey des gewissen / da
durch des Gesetzes schrecken vberwun-
den wird / vnd der einen Menschen kan
aus der sünden not zu gnaden vnd selig-
keit / aus dem Tod ins Leben / aus der
Helle gen Himmel / heben / Darumb mus
er zuvor auch rechte schmecken / was des
Gesetzes krafft sey / welches nicht Chris-
tus / sondern Moses durh die zehen Ge-
bot / in seinem hertzen erregt vnd wir-
cket.

Je sibe nu / wie Christus solch er-
schrocken hertz vnd gewissen so
freundlich tröset / Fürcht dich nicht
(spricht er) denn von nu an soltu
Menschen sehen. Das ist die rechte
liebliche stimme dieses Heilands / gegen
allen / die da irer sünde halben in fürcht
vnd schrecken sind / Denn wo solche
sind / die wil er nicht weiter in fürcht
vnd angst gesteckt haben / sondern nur
n. iij. (schlech)

Predigt des
Gesetzes
auch den
Christen
not vmb
des fleisches
willen.

Offenba-
rung der
gnade Chri-
sti gegen
S. Petr. in
seinem schre-
cken.

Christus
liebliche
stimme / Fürcht
dich nicht.

Leider
Christus
schrecken
seiner
vnbussens
gen.

Rechte ord-
nung Christi
licher Pre-
digt / erst-
lich zu schre-
cken / dar-
nach zu trö-
sten.

Erschrocke-
nen gewis-
sen sol man
kein Gesetz
predigen.

S. Petrus
predigt in
selbs das
Gesetz aus
der wolthat
Christi.

Auslegung des Euangelij

schlecht alles erschrecken des Gesetzes von jnen genommen/ Vnd weiset sie/ das sie vmb jrer sünde willen nicht von jm fliehen/ sondern mehr zu jm lauffen sollen/ Das man in lerne kennen/ als den lieben Zeiland/ so eben darumb kompt/ nicht die armen Sünder von sich zu stoßen/ Sondern zu sich zu locken/ vnd sie mit trost vnd hülffe reich vnd selig zu machen/ Wie er auch spricht Luc. 20. Des Menschen Son ist komen zu suchen vnd selig zu machen/ das verlorene war. Item/ Christus ist in diese Welt komen/ die Sünder selig zu machen/ welcher ich der fürnemest bin/ spricht S. Paulus i. Timoth. 1.

Christus tröstet nicht allein die gewissen/ sondern auch reiche gnade vnd gabe.

Es gibt aber nicht allein dem erschrocken Petro de trost/ mit dem freundlichen Wort/ damit er in seine gnade zuspricht/ vnd die Absolution gibt/ Sondern feret fort/ solchen trost zu stercken mit einer grossen verheißung/ das er noch viel mehr vnd größers denn er zuuor von jm empfangen/ im geben/ vnd bey jm thun wil/ Damit er sein hertz vnd liebe gegen jm spüren vnd erfahren musse. Von nu an (spricht er) soltu Menschen fahen. Das heisse in reichlich getröset vnd begnadet/ das er seiner unwürdigkeit vnd sünden halben nicht sol sich erschrecken lassen/ Denn er nicht allein vergebung der sünden haben sol/ sondern wissen/ das Gott auch viel größer ding durch in ausgerichten wil/ das er auch andern tröstlich vnd hülflich sey.

Es ist viel zu wenig/ vnd nichts (wil er sagen) am sichzug/ den du jzt gethan hast. Du solt forthin viel ein ander Fischer werden/ in einem andern Meer/ vnd mit andern netz vnd Schiff/ Denn ich wil dich in solch Ampt setzen/ das da sol heißen/ Menschen fahen/ Das ist/ die Seelen/ so weit die Welt ist/ aus des Teufels gewalt in Gottes reich bringen. Da soltu erst ein solcher nützlich Man werden/ der da kan allen Leuten helfen/ wie dir geholffen ist.

Als so lasse vns nu auch aus diesem Euangelio Christum vnd die krafft seines trosts recht erkennen vnd fassen/ damit wir beide/ vns vnd auch andere mögen trösten/ Das man die gewissen/ so in nöten vnd schrecken sind/ lere vnd erinnere/ bey leid nicht von Christo zu

lauffen vnd zu fliehen/ sondern viel mehr zu jm fliehen/ vnd seines trosts zu gewarten/ Denn solch fliehen vnd schrecken ist nichts anders/ denn dein eigen heil vnd seligkeit von dir jagen/ Denn er ist je nicht darumb da/ das er dich schrecken wil/ sondern das er deine sünde vnd not von dir nemen wil/ Kompt auch nicht zu dir/ vnd gehet dir nach/ das er dich veriage/ sondern das er dich freundlich zu sich locke

Darumb mustu in nicht die vnehere thun/ das du in von dir schlafest/ oder den trost/ so er dir bringet/ dir selbs zu schrecken vnd verzweuelung wollest verkeren/ Sondern viel mehr mit aller zuersicht zu jm zulauffest/ So wirst du auch bald hören das fröliche/ tröstliche Wort (Fürcht dich nicht) damit er dir vnd allen betrübten gewis in ins hertz redet/ Vnd die Absolutio von allen sünden spricht/ vnd alles schrecken h nweg nimpt/ Ja/ das er dich dazu auch viel reichlicher begnaden wil/ das du ein heiliger/ seliger/ vnd nützer Mensch werdest/ in seinem Reich/ der da auch ander Leute könne trösten/ vnd in zu bringen/ die da gleich/ wie du jzt/ auch erschrocken/ trosts vñ gnade bedürffen.

Also siehestu/ wie der Mensch aus der geistlichen armut vnd not kompt/ das ist/ vergebung der sünden vnd friede des gewissen erlangt/ durch die Wort Christi/ vnd dazu gnade vnd mehrung der geistlichen gaben/ on alle eigen verdienst vnd würdigkeit/ sondern aus lauter gnaden Christi/ Gleich wie in dem leiblichen wunder des sichzugs/ Welch sie nicht vmb jrer arbeit willen erlangen/ sondern nicht ehe/ denn sie zuuor jre arbeit vnd mühe verloren/ vnd dar an verzweuelte haben/ gegeben wird.

Aber doch/ gleich wie er dort nicht wil die arbeit verboten haben/ sondern heisse sie erst die netze auswerffen/ vñ einen zug thun/ Also wil er auch hie nicht die werck auffheben/ ob wol S. Petrus damit nicht gnade vnd vergebung verdienet/ Sondern nu sie in vmb sonst geschencke ist/ wil er in gleichwol nicht on werck vnd arbeit hin gehen lassen/ Ja/ er legt in erst das Ampt vnd werck auff/ das er sol ander Leute erzu bringen/ Vnd gebe in den trost/ weil er in solch Ampt aufflegt/ das er in auch krafft

Wilde wissen sich geben.

Christi die nehmten sich nicht.

Soerley predige ampt.

Gnade in alle werck gegeben/ doch die werck nicht damit gegeben.

Krafft de predig ampta/ Christum predige.

Krafft vnd seggen dazu geben wolle/
Denn ich (sprichet er) wil dich zu einem
Menschen fischer machen. Also ist be-
des rechte geleeret/ der Glaube/ der nichts
durch werck verdienet/ Vnd doch aller-
ley werck seines stands vnd Ampts
thut/ nach Gottes Wort vnd befehl.

III.

Die deutung dieser geschicht
des fischzugs S. Petri/ hat
Christus selbs gezeiget/ mit dem
Wort/ so er spricht/ Von nu an soltu
Menschen fahen. Das darin furbil-
det ist das geistliche Regiment der Kir-
chen/ welches stehet im Predigampt/
Denn das Meer oder wasser ist die
Welt/ Die fische sind die Menschen/
Die faust vnd das netz/ damit die fische
gezogen werden/ ist das eufferliche Pre-
digampt. Denn gleich wie das netze vn-
ter das wasser geworffen wird/ also ge-
het die predigt vnter die Leute. Aber
solch Predigampt ist zweyerley/ Eri-
nes/ das da on Christo wil die Mens-
chen gewinnen/ Das ist des Gesetzes
Predigt/ welches allein fordert vnser
werck/ vnd entweder vermessene Heil-
gen machet/ die in wilden weiten was-
ser wollen frey vngesangen gehen/ vnd
nicht erzu komen/ Oder die gewissen/ so
on das blöde vnd schwach sind/ nur er-
schrecken vnd von sich jaget.

Darumb alle erbeit vnd mühe/ der
gangen nacht (des Gesetzes) vergeblich
vnd verloren ist/ bis so lang Christus
dazu kompt mit dem andern Prediga-
mpt/ vnd bringet mit sich den tag
vnd offenbarung des tröstlichen fro-
lichen Euangelij/ so die herten erleuch-
tet mit erkenntnis der gnade Gottes/
Vnd heißet als denn das netze auswer-
ffen/ vnd einen zug thun. Wo nu solchs
auff sein Wort vnd befehl geschicht/
da bringet denn grosse reiche frucht/
Denn die herten nu willig/ vnd gerne
herzu komen/ zum gehorsam des Glau-
bens Christi/ ja sich selbs darnach drin-
gen/ Leib vnd leben daran setzen/ Wie
Christus Matth. 11. sagt/ Von der zeit
Johannis an/ leidet das Himmelreich ge-
walt/ vnd die gewalt thun/ reißen es zu
sich.

Dieser fischzug ist so reich/ das hie
nicht das eine Schiff (welches ist bis-
her gewest die Kirche des Jüdischen

Volcks) gung dazu ist/ den selben allein
eraus zu bringen/ vnd zu behalten/
Sondern diese müssen auch denen im
andern Schifflin dazu ruffen/ das sie
inen helfen. Das ist die samlung vnd
Kirche aus der Heidenschaft/ so durch
die Apostel auch angerichtet vnd aus-
gebreitet ist. Vnd also beide Schiff mit
einerley fischzug/ das ist/ einerley Pre-
digt vnd gleichem Glauben vnd bekent-
nis/ gefüllet werden.

Über dieser fülle fehret das netz an zu
reißen/ das etliche eraus fallen/ Das
sind die/ so nicht rechtschaffen sind/ noch
bey dem Euangelio bleiben/ sondern
sich selbs auswerffen/ lieber in jrem
freien wilden wasser dahin faren/ denn
sich Christo untergeben/ Wie sonder-
lich vnter den Jüden viel waren/ so dem
Euangelio nicht gehorchten/ vnd wie
dersprachen/ Vnd hernach/ alle/ die da
eigen Secten vnd Kotten anrichten/
Die müssen vnd können nicht bleiben in
der samlung der Kirchen/ bey dem rech-
ten heufflin Gottes Volcks/ sondern
sich selbs an tag geben/ das sie vntüch-
tig sind/ Wie S. Paulus 1. Corinth. 11.
sagt/ Es müssen Kotten vnd Spal-
tung sein/ auff das die/ so rechtschaffen
sind/ offenbar werden/ Darumb müssen
die selben ausfallen/ weil man die an-
dern aus dem netze zusammen bringet/
Welche werden in die beide Schiff ge-
legt/ vnd also in der einigkeit der Kir-
chen des Glaubens Christi erhalten/
das sie nicht wider entfallen/ Sonst we-
ren sie in gleicher fahr/ das sie zu letzt
durch die andern Kotten verführet/ mit
inen ausfallen müßten.

Vnd ob wol das Predigampt (wie
das netz) mus leiden/ zu dem/ das es im
wasser gehet vnd nass wird (durch aller-
ly anfechtung vñ verfolgung der Welt)
das es auch zurissen wird/ vnd nicht bey
allen kan nutz vnd fruchte schaffen/ So
folget doch gleichwol reiche Krafft vnd
frucht/ bey denen/ die da bleiben vnd be-
halten werde. Das ist auch vnser trost/
das wir wissen/ wir werden nicht alle
Leute from machen/ denen wir predi-
gen/ noch ob dem Ampte on verfolgung
bleiben/ Ja/ es werden viel/ auch dere/
die wir gewis meinen im netz zu haben/
eraus fallen/ vnd Christus dennoch die
seinen durch vnser Ampt wird erzu brin-
gen vnd erhalten.

Am sechs

Deutung
des fisch-
zugs etc.Zweyerley
Predig-
ampt.Krafft des
Predig-
ampts/ so
Christum
predigt.Ende in
alle welt
gepredigt
doch die
werck nicht
damit
gehaben.Euange-
lium brin-
get/ beide/
Jüden vnd
Heiden etc.Kotten/ so
das netz zu
reißen vnd
ausfallen.